



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1516771
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

11 հուլիսի 2022թ.

ք. Երևան

(կազմման վայրը)

Ակտի հասցեատեր

«ԴԱՆԿՈ ԳԼԱՍՍ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	4	4	4	0	3	1	5
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք. Երևան, Սեպուհի փող. 21

(անհատ ձեռնարկատիրոջ հաշվառման հասցեն կամ իրավաբանական անձի գրեկվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 06.05.2022թ. թիվ 1516771 որոշման համաձայն «Դանկո Գլասս» ՍՊԸ-ի գործունեության նկատմամբ ՕՀ միջոցառումներ իրականացնելու որոշման շրջանակներում 17.06.2022-ին ժամը 10:00-ի սահմաններում Արմավիրի մարզ, գյուղ Այգեկ, Երևանյան խճ. 85 հասցեի տարածքում, որտեղ ընկերությունը պահեստավորում է իր կողմից ՀՀ տարածք ներկրված ապրանքները (ապակիներ և հայելիներ), իրականացված ՕՀ միջոցառումների ընթացքում պարզվել է, որ 17.06.2022-ին ընկերության աշխատակից վարորդ Հայկ Հակոբյանը «Ֆորդ Տրանզիտ» մակնիշի 81 QF 001 պետհամարանիշի ավտոմեքենայով ընկերության՝ Արմավիրի մարզ, գյուղ Այգեկ, Երևանյան խճ. 85 հասցեում գտնվող պահեստային տարածքից վերոգրյալ ավտոմեքենայի բեռնախցիկն է բեռնել ընդհանուր 349.879 ՀՀ դրամ արժեքով ապրանքներ:

Իրականացված ՕՀՄ-ի շրջանակներում պարզվել է, որ նույն օրը ընկերության վարորդ Հայկ Հակոբյանը վերոգրյալ ապրանքներից մատակարարել է ք. Երևան, Շրջանային 2/14 հասցեում գործող Ա/Ձ Աննա Ասատրյանին (մասնավորապես՝ թվով 5 հատ շականակագույն ապակի 4 մմ. հաստությամբ, ընդհանուր 20.062 ք/մ քանակով, ընդամենը 70.217 ՀՀ դրամի, թվով 5 հատ մոխրագույն /Ֆլյումե/ ապակի 4 մմ. հաստությամբ, ընդհանուր 20.062 ք/մ քանակով) ընդամենը 76.238 ՀՀ դրամի և Արարատի մարզ, գ. Դալար, 2. Անդրանիկի 69

հասցեում գործող «Գ ԵՎ Լ Պրոֆ» ՍՊԸ-ին պատկանող արտադրամաս (մասնավորապես՝ թվով 6 հատ 4մմ. հաստությամբ շականակագույն ապակի, ընդհանուր 26.434 ք/մ քանակով, ընդամենը 87.232 ՀՀ դրամի, թվով 7 հատ 4 մմ. հաստությամբ անգույն/ թափանցիկ/ ապակի, ընդհանուր 30.835 ք/մ քանակով, ընդամենը 77.000 ՀՀ դրամի, թվով 1 հատ 4 մմ. հաստությամբ հայելի, ընդհանուր 3.622 ք/մ քանակով, ընդամենը 18.472 ՀՀ դրամի և թվով 2 հատ 4 մմ. հաստությամբ շականակագույն /փրփուր/ ապակի, ընդհանուր 5.6 ք/մ քանակով) ընդամենը 20.720 ՀՀ դրամի: Համաձայն ընկերության տնօրեն Արթուր Մաթևոսյանի և վարորդ Հայկ Հակոբյանի գրավոր և բանավոր հայտարարությունների վերոգրյալ քանակով և արժեքներով նշված տնտեսվարող սուբյեկտներին մատակարարված ապրանքների դիմաց համապատասխան փաստաթուղթ դուրս չի գրվել և չի տրամադրվել ՀԴՄ կտրոն /կամ հարկային հաշիվ/:

ՀՀ ՊԵԿ տեղեկատվական բազայի տվյալների հետազոտման արդյունքում պարզվել է, որ ընկերության կողմից 17.06.2022-ին ժամը 11:00-ի դրությամբ՝ ընդհանուր 349.879 ՀՀ դրամ արժեքով ապրանքների տեղափոխման վերաբերյալ որևէ հաշվարկային փաստաթուղթ դուրս չի գրվել:

Թիվ 1516771 արձանագրությամբ 17.06.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 30.06.2022թ-ին նշանակված վարչական վարույթի լուծմանը: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Դանկո Գլասս» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 500 հազար դրամից:

Տվյալ դեպքում «Դանկո Գլասս» ՍՊԸ-ի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել է 349.879 ՀՀ դրամ, որի 50 տոկոսը կազմում է 174.939,5 ՀՀ դրամ, ուստի օրենսդրական պահանջից ելնելով «Դանկո Գլասս» ՍՊԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Դանկո Գլասս» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը



ընդամենը 3 էջ

տնօրեն Արթուր Մաթևոսյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատիր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հաշվով առաքման դեպքում)

ստորագրությունը

2022թ.

(նշում ակտը ստորագրելուց և (կամ) ստանալուց հրաժարվելու մասին)